



Coronavirus (COVID-19) thawngthanh le sianginn pawl – nulepa le siangngakchia pawl caah thawngthanh

Australia acozah dihlak – ramkomh, pyine le umnak hmun – fimcawnnak a biapitnak kha an cohlan dih i COVID-19 pulrai chuak lak in siangngakchia pawl an cacawnnak bawmh dingah ipekchanhnak an ngei.

Pyine le umnak hmun acozah pawl le acozah a si lomi phu i nawlgeitu pawl cu an sianginn pawl caah tawltrelnak le biachahnak tuah dingah tuavo ngei an si. Na umnak hmun i sianginn pawl nih COVID-19 lehnak an tuahnak kong thawngthanhmi theih na duh ahcun, a pakhatnak tahchunhnak ah nan sianginn kha zaangfahnak in pehtlaihnak tuah law, nan pyine le umnak hmun acozah nih ruahnak cheuhmi kha zul. Pyine le umnak hmunhma acozah fimcawnnak vuapsaih (website) ah link nak cu a tanglei ah hin a um:

[Australia mi caah Khuapibik Hmun\(Australian Capital Territory\)](#)

[Thlanglei Wales Thar \(New South Wales\)](#)

[Chaklei Hmunhma \(Northern Territory\)](#)

[Queensland](#)

[Thlanglei Australia \(South Australia\)](#)

[Tasmania](#)

[Victoria](#)

[Nitlak lei Australia \(Western Australia\)](#)

Pyine le umnak hmun acozah pawl nih hnatlaknak an ngeihmi cu sianginn pawl ah COVID-19 lehnak an tuah ning kong biachahnak pawl cu a thiambakmi, bawi, rampumpi huap le pyine hrambunh zapi ngandamnak le fimcawnnak lei ruahnak cheuhnak nih pehzulh in thawngthanhnak a tuah hrimhrim lai ti a si.

Sianginn pawl ah COVID-19 I chonhnak tihnung a si khomi zorternak

24 Vaupi (April) 2020 ah, Australia Ngandamnak lei Runvennak Abiapimi Komiti (Australian Health Protection Principal Committee (AHPPC) nih sianginn pawl ah COVID-19 i chonhnak tihnung a si khomi zorternak kong he pehtlai in [ngandamnak lei ruahnak cheuhmi](#) kha chuahmi a si. Hi a takin tuah dingmi lamhmuhsaknak le ruahnak cheuhmi cu siangngakchia pawl, cachimtu pawl le sianginn zung riantuantu pawl he biakchawnhnak a ngei dingmi sianginn hruaitu pawl caah timhtuah a si i COVID-19 pulrai lio i sianginn pawl ah Coronavirus (COVID-19) i chonhnak tihnung tlawmte a ummi kha hmailei tiang hmanh zorter ding a si.

Ruah dingmi a tawinak in langhtermi ah aa telmi cu:

- **Nulepa pawl caah:** na fa kha a zawt ahcun, sianginn an kai lai lo. Inn ah na um lai i midan he aa hlat in na um lai. Nan fale thlah asilole don tikah telhchih in, sianginn kai tikah a dang nulepa pawl le cachimtu pawl he takpum ihlat in um ding kha i chingchiah.
- **Fale caah:** na zawt ahcun na nulepa, zohkhenhtu asilole cachimtu kha chim hna.

- **Cachimtu pawl caah:** na zawt ahcun asilole a derthawmmi bantuikin na um ahcun riantuannak ah ra hlah
- **Upa pawl dihlak caah:** sianginn i ichonhnak ah tihnung bikmi cu upa pawl karlak ah a si. A biapi bikmi cu cachimtu pawl le nulepa pawl bantuikin sianginn ah nanmah pumpak le midang karlak ah takpum ihlatnak kha tuah lengmang ding a si.

Thianhlimnak

Siangngakchia pawl cu hihi tuah dingah theihternak tuah an si:

- Rawlei hlan le rawlei hnu le zunput kal hnu telhchih in na kut kha ti le chatpiat in i tawl.
- Kuttawlnak ahang hmang.
- Na khuh le hachio tikah na banhram asilole titsu in ihup (na kut si loin).
- Na hmanciami titsu pawl kha hnawmpung ah hlonh colh law cu hnu ah na kut i tawl.
- Na kaa asilole hmai tongh lo ding kha i zuam.
- Mindang kut kha tong hlah asilole an kut tlai hna hlah.
- Nangmah le mindag karlak ah punghmaannak in hmun kau deuh chiah khawh i zuam.
- Artlang in dir kha hrial.
- Thinphang in na um ahcun midang kha chim hna

Upa deuh tang hleihnih sianginn tawlrelnak le sianghleiruun luhternak

7 Vaupi (April) 2020 ah, pyine le umnak hmun Fimcawnnak lei Vuanci pawl nih hnatlaknak an ngeihmi cu upa deuh tang hleihnih siangngakchia pawl (siangngakchia tang 12) nih atu kum ah Upa deuh Tang hleihnih Fimcawnnak lei Aunglehmat (Senior Secondary Certificate of Education) an ngah khawh te ko lai i, cu aunglehmat nih cun sianghleiruun, a sang deuhmi fimcawnnak le rian ah a luhter ko hna lai.

NAPLAN

20 Vaute (March) 2020 ah, Fimcawnnak lei Vuanci pawl nih NAPLAN cu kum 2020 ah tuah ti lo dingin biachahnak a tuah. NAPLAN cu 12 in 22 Biangreithlep (May) 2020 ah tuah dingin caan suaisam a rak si.

Kum 2020 ah NAPLAN tuah ti lo dingin biakhiahnak cu sianginn hruaitu pawl, cachimtu pawl le bawmnak lei zung riantuantu pawl nih siangngakchia pawl thatnak le fimcawnnak pehzulhnak lei ah ihmaithlak dingin bawmtu si dingah laak a si.

NAPLAN cu caholh lei hmun thum ah siangngakchia pawl thil tikhawhnak hneksaknak rampumpi huap in zohfehnak tuahmi a si – carelnak, catialnak le holh lei ipehtlaihnak (biafang, karama le khawma, biahalnak tuahnak hmanmi tbk ningcang tein chiahnak) – le thiamnak lei a si. Pyine le umnak hmun pawl cio i sianginn dihlak nih kum 2008 thawk in kum fatin Biangreithlep (May) thla ah NAPLAN cu an rak tawlrel cangmi a si.